

IV. Opus autem revisum et approbatum fuerit ab Ordinario, qui non permittat ibi apocrypha misceri.

V. Totumque fiat sine scandalo et cum aedificatione populorum. S. C. reg. in Reatina 20. Jan. 1579, in Nolana. 28. Apr., in Assisiensi 18. Mart. 1603. Quare, cum scandala timentur, debent prohiberi. S. C. in Viterbiensi 3. Apr. 1582. Et nullibi fieri sine licentia Episcopi; S. C. C. in una Bracharen. Ad conciliandas praedictas opiniones concludendum est, quod repraesentationes piae ac devote possint quidem fieri in Ecclesiis, sed cum licentia et approbatione Episcopi. Secus autem non.

REQUIEM AETERN.

(Num cor. SSmo dicendum?)

Vd.: Expos. SSmi pro Def. (decr. n. 4645.)
De indulg., si dicitur: Req. aet. ad salut. angelicam, vd. Indulg. (Salut. angel.)

REQUIESCA(N)T.

1) In Missa et Absolutione.

Quando *absolutio* est pro uno defuncto, dicitur: Requiescat, pro pluribus in plurali; in *Missa* vero semper dicitur: Requiescant. n. 2858 die 22. Jan. 1678.

Cf.: *Ite Missa est* (decr. n. 4526).

Diaconus cantat: Requiescant in pace versus altare.

Caer. Ep. I. II. cap. XI. n. 9.

2) In Officio a Cantoribus cantatur.

Vd.: *Sepult. Cardinal.* (de ritu etc., ad finem.)

RES GRAVIS.

Vd.: *Missa vot. pro re gravi; Instructio Clem. §. 12. n. 19.*

RESIDENTIA.

1) Archidiaconi.

Vd.: *Resid. (Episcopi)*

Vici Aquen.

(Conc. Tr. cap. 12. sess. 24. De Ref.)

Constructo jam processu in hac Curia Episcopali ad instantiam promotoris fiscalis contra Franciscum Ferrignum Archidiaconum illius Ecclesiae Cathedralis ex capite non residentiac per fere tredecim annos servatisque terminis a S. C. praescriptis in *cap. 12. sess. 24. de Ref.* Vicarius generalis sententiam privationis Archidiaconatus promulgavit adversus d. Ferrignum. Sed eodem recurrente ad hanc S. C. propositoque dubio: *An constet de legitima privatione Archidiaconatus, de quo agitur?* Responsum fuit: *Negative* sub die 14. Jan. 1708. Verum adhuc perseverante Ferigno in antiqua contumacia non residendi, Curia Episcopalis, ad instantiam sui promotoris fiscalis, novum processum construxit super illius diurna absentia eumque personaliter citatum in civitate Neapolis, ubi publicam juris lecturam exercere dicitur, et non curantem comparere neque ad residentiam redire per novam sententiam Archidiaconatu privavit, ad cuius majorem comprobationem recursum habuit praedictus fiscalis ad hanc S. C., in qua bina infrascripta dubia procuratori in Curia ex adverso notificata, eoque monito proponuntur hodie EE. **VV.** ex actis exhibitis et in summar. dandis aliisque deducendis sapienter definienda:

I. *An sit standum vel recedendum a decisio sub die 14. Jan. 1708? Et quatenus in decisio;*

II. *an constet de nova legitima privatione Archidiaconatus, de quo agitur, in casu etc.?*

S. C. C. resp. ad I.: In decisio;
ad II.: Affirmative.

Die 3. Aug. 1709.

Tuden.

Postquam anno 1752 de Archidiaconatu nuncupato de Montes in Ecclesia Cathedrali Tudensi provisus fuit a Sancta Sede Franciscus Longorius, preces obtulit Sacro huic Tribunal, quibus petebat dispensationem a residentia ex causa postulationis in causa beatificationis servi Dei Joannis de Avila, obtinuique dispensationem ad sex menses. Rediit inde anno 1754 aliis precibus, quibus narravit illi dignitati adjunctum non esse onus residentiae praecissae sed tantum causativa, ideoque Emi Patres audire voluerunt Tudensem Episcopum, indulta Longorio alia dispensatione ad quatuor menses veris existentibus narratis. Rescripsit Episcopus dignitatem illam esse praecise residential; praedecessores omnes Longorii resedisse, ultimis duobus exceptis, qui abfuerunt cum dispensatione ex causa infirmitatis. Nullam a Longorio absentiae justam causam proponi, ideoque ei non esse auscultandum. Haec epistola Episcopi, qua de causa ignoratur, Emis Patribus redditia non fuit. Longorius igitur novas obtulit preces prorogationem postulans ob moram Episcopi. His precibus rescriptum fuit: „Dentur novae literae et interim ad tres menses“; aliam inde prorogationem obtinuit ad quatuor menses amissis etc., qua transacta, cum adversa valetudine distineretur, aliam obtinuit ad quatuor menses. Cum vero interim Capitulo Tudensi instanti injecta fuisset sequestratio redditibus Archidiaconatus, Longorius novas preces obtulit, quibus petebat, ut Capitulum compelleretur ad proponendas hujus sequestrationis rationes. Rescriptum his fuit die 18. Sept. anno 1758: Episcopo pro informatione et voto auditio Capitulo eique praefixo termino ad deducenda jura sua in s. Congregatione.

Advenerunt novae literae ab Episcopo, quibus rem omnem narravit, sed Longorius questus est de attentatis, quod lite pendente sequestratio injecta fuisset, obtinuitque rescriptum: „Dentur novae literae revocato sequestro et interim Episcopus praefigat terminum Capitulo ad deducendum Jura sua in Sacra Congregatione.“ Venit igitur in jus Capitulum Tudense et causa omnis tribus capitibus collecta proponitur. Disputat Capitulum ex Tridentini dispositione dignitates annexum habere onus residentiae praecisae. Id nosci ex facto praedecessorum omnium; id ex ipsa absentia duorum, qui Longorium in ipsa dignitatis possessione praecesserunt. Abfuerunt enim cum dispensatione, quam non postulassent, si dignitas non fuisset residentialis. Hinc colligit Capitulum, teneri Archidiaconum integrum, quos percepit, fructus restituere; nam de tertia eorum parte nulla esse potest disputatio, cum et Tridentini lege et decreto Sacri hujus tribunalis ita constitutum fuerit: de reliquis partibus, quia nullam habuerit Longorius justam causam, ex qua abesse posset.

Hos denique fructus ab eo restituendos ex eadem Tridentini lege fabricae Ecclesiae esse applicandos. Haec Capitulum. Ab Archidiacono Longorio nihil habuimus. Capita sunt:

I. An Dignitas Archidiaconatus de Montes Ecclesiae Cathedralis Tuden. sit residentialis, itaut Archidiaconus Longorius ad eamdem residentiam teneatur?

II. An et a qua die idem Archidiaconus teneatur restituere fructus perceptos?

III. An fructus tam percepti quam a die sequestri applicandi sint fabricae Ecclesiae in casu?

S. C. C. resp. ad I.: Affirmative;

ad II. et III.: Dilata et exhibeantur indulta una cum libello.
Die 1. Sept. et 24. Nov. 1759.

2) Archiepiscopi.

Vd: *Resid. Episcopi.*

3) Beneficiatorum.

a) Licentia absendi.

Ad dubium 1.: An Beneficiati abfuturi ab Ecclesia per octiduum et ultra teneantur indicare parocho, qui suppleat vices suas?

2.: An iidem Beneficiati ad longum tempus abfuturi teneantur exhibere consensum obtentum ab Ordinario?

3.: An de consensu interessentium absentes haberi possint pro praesentibus ad effectum consequendi distributiones sive, ut ajunt, praesentia?

S. C. C. resp. *ad 1.*: Affirmative quod eos, qui ex fundatione habent onus assistendi parocho vel residendi et amplius;

ad 2.: ut ad proximum et amplius;

ad 3.: servetur decretum Ordinarii et amplius.

Die 14. Mart. 1767.

b) Obligatio.

Vd.: *Resid. paroch.* (decr. die 29. Febr. 1712); *Resid. Capellani.*

Marsicana.

(Conc. Tr. cap. 11. sess. 25. De Refor.)

Autumantes Sacerdotes Joachim Arquatus et Silvester de Philippis beneficia, Canonicatus nuncupata, asserti annui proventus duc. 10., quae respective obtinent in Ecclesia parochiali terrae Capistrelli, nullo residentiae onere affecta esse, nuper in causa fuerunt, quod Communitas et homines jam d. Oppidi supplicem recursum ad SS. D. N. haberent precibus ad S. C. rejectis,

quo Sanctitas Sua Ecclesiae servitio ab ipsis pessumdato prospicere dignatur, utque tandem jam d. Beneficiati divinum pensum aliaque ecclesiastica munia praesentes obirent juxta praetensum antiquum morem. Profecto in hac eadem sententia consentit Episcopus, qui adversus praenominatos Joachim et Silvestrum non residentes sequestrum apposuit super eorundem Beneficiariorum fructibus, potissimum quibusdam visitationum decretis ininxus jam olim editis ab Episcopo Peretto de anno 1626 ejusque successore Episcopo Columna de anno 1636, in quibus sane sub expressa mulcta Abbati et Canonicis ejusdem Ecclesiae onus injungitur sacrum in aurora faciendi, tradendi pueris prima Christianae fidei rudimenta, statis horis saltem diebus festis divina Officia celebrandi et praesertim in visitatione praelaudati Episcopi Columnae saepedictis Canonis inhibetur ne solemnitates alibi celebraturi accederent, propriae Ecclesiae servitium negligendo, sub unius ducati poena, ut latius ex Episcopi relatione aliisque juribus in summario exhibendis. Verum jam dictis duobus Praebendatis pro libertate eorum respective beneficiorum insistibus atque proclamantibus, sequestrum non minus injuste quam nulliter relaxatum a Curia Episcopali fuisse absque prævia citatione, hinc concordatis inter Patres infrascriptis dubiis humiliter quaeritur ab EE. VV. sapienter declarari:

1. *An Beneficiati Terrae Capistrelli Canonici nuncupati teneantur residere? et quatenus affirmative;*
2. *An sequestrum relaxatum ab Ordinario super fructibus Beneficiorum sit validum vel potius revocandum veniat in casu?*

S. C. resp. *ad 1.*: Affirmative quoad residentiam tantum pro servitio Ecclesiae ad formam decreti Episcopi;

ad 2.: Negative quoad primam partem, affirmative quoad secundam et amplius.

Die 25. Junii et 16. Julii 1712.

Provisus ab inferiori Collatore de beneficio personale residentiam requirente compellendus est per Ordinarium ad residendum.

Declarat. S. C. C. Interpr. ad verba C. Tr.: *Residere cogantur etc.* (L. 6. cap. 2.; ed. Gallemart. 1616 p. 28.)

Salisburgen.

(Conc. Tr. cap. 12. sess. 24. De Ref.)

Pene neglectum remanserat beneficium sub invocatione s. Leonardi in loco Puechach, adeo ut nulla ejusdem fundationis custodiretur memoria nullumque onerum ac proventuum documentum superesset; propterea jam de anno 1652 Archiepiscopus Salzburgensis pro sui munere idem beneficium restauravit ac iterum erexit, sibi ejusque successoribus reservato jure praesentandi Clericum saecularem pro tempore, qui adstrictus foret ter Missae sacrificium celebrare in qualibet hebdomada et festivis diebus ac insuper quolibet Sabbato in Arce Clingensi, adeo ut beneficiatus, (quemadmodum legitur in fundatione) si imposterum ob indispositionem corporis aut aliis de causis praefatas Missas ipsemet celebrare non posset, is tamen easdem sine defectu ex proprio suo marsupio per alios suppleri et legi faciat. Pro dote vero hujusmodi beneficij praeter domum beneficiale et hortulum jam dictus Archiepiscopus assignavit annuam summam florenorum supra 300 ex Ecclesiae s. Leonardi redditibus, qui pia fidelium liberalitate sensim adacti fuere, uti fusius ex instrumento fundationis in summ. recensendo. Profecto septemdecim ab hinc annis beneficium hujusmodi obtinuit Bernardinus Pancherius, qui satis ejusdem oneribus perfungi pro certo habet per alium substitutum, sibi persuadens, quod nullo residentiae onere sit gravatus; hinc promotor fiscalis Curiae Archiepiscopal Salisburgensis nuper recursum habuit ad hanc S. C., quatenus ipsa decernere dignaretur, jam dictum beneficium personalis residentiae onere esse affectum tum quia ex lege fundationis domus beneficialis assignatur, tum ex eo, quod in casu dumtaxat infirmitatis per alium supplere indulgeatur, ac tandem perspecta opimi ejusdem beneficij dote, et quidem idem promotor subtexuit, hujusmodi onus satis compertum jam dudum fuisse praelibato Pancherio, qui in actu collationis præ caeteris hanc declarationem emisit: *Bernardinus Pancherius comparet et ad factam eidem propositionem se judicialiter declaravit primo apud collatum sibi beneficium s. Leonardi in Puechach personaliter residere et eidem annexas functiones ipsem peragere, secundo absque habita superiorum licentia ab eodem nequaquam abesse neque se absentare.* Reportata itaque Consistorii Archiepiscopal informatione ac indicto competenti termino ipsi Pancherio, ut judicio S. C. sisteret, sub die 11. Junii ultimo elapsi, relatae fuerunt preces per summar. exindeque in ejusdem contumacia rescriptum prodiit: *Beneficium esse residentiale et ordinarius procedat ser. contra beneficatum.* Hinc sane excitatus saepedictus Bernardinus Pancherius enixe in praesenti contendit, quod nullo residendi onere praeggravari possit, inspecto tenore erectionis beneficij, ex qua Clericum institui posse dicitur, caeteroquin vero subdit, fundatorem nil aliud cavisse, nisi quod Sacrificia omnino offerantur per substitutum, etiamsi rector morbo vexaretur, quodve nullius momenti haberi debeat asserta declaratio ex supposita causa

ab ipso in actu collationis extorta. Tandem Orator ipse prosequitur, quod alterius opera procul dubio uti potest in beneficii oneribus explendis juxta expressam fundationis indulgentiam, cum adversa prematur valetudine, quemadmodum ex documentis in summar. recensendis liquere asserit. Quapropter concordatis infrascriptis dubiis EE. VV. erit decernere:

1. An sit standum vel recedendum a decisio[n]is sub die 21. praeteriti mensis Junii? et quatenus in decisio[n]is;

2. an modernus beneficiatus possit per alium supplere in casu?

S. C. resp. ad 1.: In Decisis; ad 2.: Doceat de legitimo impedimento coram Ordinario et amplius.

Die 21. Jan. et 4. Febr. 1713.

Beneficium seu Capellaniam censeri residentialem, quae adnexam habet servitum chori in Cathedr. vel Colleg. Ecclesia.

S. C. C. die 16. Nov. 1708 Nepe-sina; 5. Sept. 1710.

Quum beneficio simplici in *funda-tione* onus esset adjectum, ut „Sacerdos ad illud electus et confirmatus teneatur et debeat in perpetuum de die ac nocte in Ecclesia cum Presbyteris et Canonicis interesse horis et divinis ac sol. Officiis, nisi justo et canonico impedimento fuerit impe-ditus“, quamvis *nunquam* possessores *residentiam praestitissent*, nihilominus S. C. censuit: possessorem ad resi-dentiam teneri neque ab ea esse di-spensandum.

Die 14. Dec. 1833 Mutinen.

Capellaniam, cuius possessori onus sublevandi parochum et sacrificandi diebus festis singulis incumbere plures visitationes et ipsa consuetudo probant, non esse simplex beneficium sed residentiale.

S. C. C. die 13. Julii 1743 Sub-lacen ad I.

Fanen.
(Conc. Tr. cap. 4. 5. sess. 25. De Ref.)

Vigore notissimae Constitutionis, quae incipit *Instauranda*, promulgatae a sa-me. Innocentio X. de anno 1652, sup-pressus fuit parvus Conventus s. Blasii de Brettino P. Eremitarum s. Augu-stini existen, intra fines parochiae Villae Ronchi Sambacci, cujus redditus a tunc temporis Episcopo cum Consilio Capi-tuli mediante approbatione S. C. super statu Regularium fuerunt conversi in erectionem Capellaniae sub hac lege: Il Convento di s. Biagio di Brettino de' PP. Agostiniani fuori della Città tre miglia, d'entrada di scudi cento in circa, si può applicare per un Ca-pellano perpetuo, che risiedi, ajuti il Parocco nella cura delle anime, celebri le feste di preccetto, e di divozione, et anco fra settimana, secondo che li sarà prescritto dall' Ordinario, e con tal celebrazione sodisfacci gli obblighi, che vi saranno. Fuit exinde primo provisus de d. Capellania Franciscus Santolinus cum honoribus et oneribus ac obligationibus residendi in dicta Ec-clesia in auxilium animarum parochiae ibique celebrandi singulis diebus festi-vis vel devotione et, quando in heb-domada non occurret aliquis dies festus, celebrandi etiam feria quartu et Sab-bato, quemadmodum legitur in decreto provisionis. Ac pari modo cum obli-gatione personalis residentiae eam as-secuti fuerunt alii Capellani suc-cessores.

Possidet modo Capellaniam Joseph Ferrinus, qui eam sibi impetravit ab Apostolica Sede ob non residentiam sui Antecessoris ab anno 1691, qui quidem de anno 1698 recursum habuit ad hanc S. C. pro exemptione ab ob-ligatione residendi sub praetextu, quod ejus Praedecessores idem onus non adimplerint. Verum rejectae fuerunt ejus preces, quemadmodum etiam eve-

rit in S. C. Ep., ad quam Ferrinus similem recursum habuerat; atqui de anno sequenti 1699 conquerente etiam parocho Villae Ronchi Sambacci de-stituti auxilio Ferrini institut in hac S. C. promotor fiscalis illius Curiae Episcopalis ad effectum cogendi Fer-rinum ad residentiam et eadem S. C. stetit in decisio[n]is et hujusmodi causam amplius non proponi mandavit. Nuper vero de mense Januarii anni praeter-lapsi 1710 novus advenit recursus nomine populi d. Villae Ronchi ad-versus Ferrinum non residentem et decreta S. C. eludentem; unde haec eadem S. C. injunxit Episcopo Fanen, quatenus juxta enunciata S. C. decreta procedere non omitteret. In vim cuius mandati idem Antistes praeceptum tulit aduersus Ferrinum, ut statim se recipere deberet ad residentiam sui be-neficii, ab eaque non deberet ullo sub praetextu vel quae sit colore unquam discedere, neque de die neque de nocte sine ejusdem Antistitis vel ejus Vicarii generalis in scriptis licentia sub poenis formalis carcerationis, amissionis beneficii aliarumque poenarum etiam ejus arbitrio infligendarum juxta dispositionem S. C. Trid., S. Canonum et Apostolicarum ac Synodalium Con-stitutionum. At vero postmodum Epi-scopus, firmo in reliquis relicto d. prae-cepto, illud moderatus fuit, licentiam scilicet impertiendo Ferrino bis tan-tum in hebdomada dumtaxat de die sese transferendi ad civitatem Fani, relicta tamen idonea persona pro coadjuvando parocho in exercitio curae et adimplendo missarum onere, sed de nocte se reciperet ad residentiam. Ab hujusmodi praecepto gravatus Ferrinus recurrit ad hanc S. C. prae-tendens ad residentiam teneri nonnisi tis hebdomadae diebus, quibus est af-fixum sacrificium Missae. Quamobrem informare jussus idem Episcopus Fanen. latius praemissa comprobavit et in folio

separato in summar, dando jura quae-dam transmisit, quibus convincere ad-nititur Oratoris continuam residentiam. Quamobrem idem Orator ex deducen-dis humiliter exposcit ab EE. VV. de-clarationem:

An et quomodo Orator teneatur ad residentiam?

S. C. C. resp.: Teneri ad resi-dentiam continuam prout de jure.

Die 24. Jan. 1711.

Vercellen.

(Conc. Tr. cap. 12. sess. 24. De Ref.)

Exstat in Cathedrali Ecclesia Ver-cellen. Collegium duodecim beneficia-torum, qui continuo tenentur Ecclesiae inservire cum cantu Gregoriano in diebus ferialibus et cum figurato in festi-vis et solemnibus.

Ad titulum horum beneficiorum, ob penuriam Presbyterorum, qui musicam callerent, fuerunt alias ad Sacros Or-dines promoti Joannes Bapt. Baracca et Joannes Bapt. Bonadellus, qui paulo post, Ecclesia derelicta, ad alias se contulerunt regiones, primus enim, post lustratam sine habitu clericali totam bene Italianam, a biennio et ultra Venetiis residens. Theatris publicis operas suas locavit et alter post praestitam anno 1695 similem operam in Theatro Lau-diae abinde citra Patavii moratus est.

Ad consulendum detrimento servitii Ecclesiae et ad occurrentum scandalum publico Capitulum Cathedralis Eccle-siae Vercellen. declarari supplicavit, quod dicti absentes ex causa omnino illicita atque Ordini Sacerdotali in-juriosa poenas incurrisse privatio-nis beneficiorum, propositisque in hac S. C. die 15. Dec. 1696 binis sequen-tibus dubiis, primo: An esset locus privationi beneficiorum in casu? Et quatenus negative; secundo: An et qua poena esset procedendum contra hujusmodi beneficatos? responsum

fuit: esse locum privationi ad formam Sacri Concilii et Sacrorum Canonum.

Ab anno 1696 usque in praesens multi alii casus contigerunt, in quibus beneficiati se ab Ecclesiae servitio fecerunt absentes; cumque a Capitulo novae preces fuerint huic S. C. exhibatae, in quibus petebatur, quod ad coercendam hanc beneficiatorum absentiam adversus absentes statim procedi posset ad poenam privationis, utpote adversus ipsos ipso jure in statuto impositam, nisi causa absentiae fuisset a Capitulo approbata, dictum fuit, quod causa proponeretur in folio cito dictis beneficiatis.

Porro beneficiati Cathedralis Ecclesiae Vercellen. ultro admittunt, quod procedatur adversus absentes, sed ad formam Concilii et Sacrorum Canonum, juxta ea, quae fuerunt resoluta ab hac S. C. die 15. Dec. 1696, ut supra dictum fuit.

Absque eo, quod vindicare valeat locum adversus absentes poena privationis ipso jure inficta, uti contenditur a Capitulo, quia Sacrum Concilium Tridentinum sess. 24. cap. 12. de Refor. praescripsit, quid in primo anno, quid in secundo et quid in tertio absentiae fieri debeat, quae trium annorum dilatio poenae privationis ipso jure incurriendae adversatur, tum quia statutum, ex quo haec poena desumitur, non fuit a Sede Apostolica confirmatum nec fuit unquam usu receptum nec beneficiati eidem subjecti dici possunt, ex quo facultas Canonicis concessa in erectione Collegii beneficiatorum auctoritatem importat ordinationes et statuta faciendo, quibus essent beneficiati subjecti, sed in his, quae directionem chori et divinorum Officiorum celebrationem respiciunt.

Capitulum e contra praemittit, quod instantum ab hac S. C. die 15. Dec. 1696 resolutum fuit, quod adversus

beneficiatos absentes non procedetur ad privationem beneficiorum absolute et simpliciter, sed ad tramites tantum Sacri Concilii Tridentini et Sacrorum Canonum, in quantum non fuit S. C. expositum, quod in statuto inficta erat beneficiatis poena privationis ipso jure in casu absentiae sine causa a Capitulo approbanda, asserendo, quod si predicta statuti circumstantia fuisset exposita, S. C. respondisset, quod procederetur adversus absentes ad formam statuti, simili modo quo, cum in materia residentiae Canonicorum Vercellensium Episcopus decrevisset, eam esse peragendam ad formam Sacri Concilii Tridentini et non consuetudinis et statutorum, Sacra Congregatio die 2. Aug. 1670, cui antiqua consuetudo una cum statutis fuit exposita, respondit: Consuetudinem esse servandum ad formam statutorum.

Hoc praemissio Capitulum subdit debere esse locum privationi ipso jure adversus absentes, nisi absentiae causa fuerit a se approbata, cum id fuerit praescriptum in statuto condito anno 1586, et cum in erectione Collegii beneficiatorum, secuta anno 1581, fuerit ipsis demandatum in Bulla Apostolica, quod parerent constitutionibus, ordinationibus et statutis tam factis quam faciendis ab ipso Capitulo.

Nec Canonici putant id Sacro Concilio Tridentino adversari, tum quia valent statuta circa privationem ipso jure ob non residentiam, juxta Abbatem in cap. Quoniam §. Porro n. 11. ut lite non contestatur, ut multo magis, quando expectatio triennalis tantum abest, quod absentes coerceat, quod, experientia teste, constat, nihil ad dictum effectum prodesse; tum quia conciliaris dispositio, quae procedit in canonicis et beneficiatis, non videtur applicabilis hypothesi praesenti, in qua agitur de beneficiatis musicis, ex quorum absentia contingit, quod Ecclesia

caret musica; musica etenim seu cantus figuratus ex pluribus vocibus componitur et si aliquae desunt, musica haberi non potest, et tandem, quia statutum adeo laudabile esse videtur, ut apostolicam mereatur confirmationem, pro qua obtinenda Capitulum enixe supplicat.

Dignabuntur ergo EE. VV. decernere:
An et quomodo sit procedendum adversus beneficiatos non residentes in casu?

S. C. C. resp.: Procedendum adversus non residentes ad tramites Concilii Tridentini et quoad beneficiatos in theatris canentibus Ordinarius nomine S. C. imponat poenam privationis eisdem.

Die 1. Oct. 1720.

Aquilana.

Bernardinus de Ludovicis in testamento, quod condidit anno 1707, jussit fundari in parochiali Ecclesia Villae Termini capellaniam cum eo Missarum onere, quod executoribus visum esset congruum. In ejusdem capellaniae dotem praeter alia bona assignavit suam domum, in qua capellam voluit residere. Cum enim eamdem capellaniam primo loco destinasset Antonio Cerasolo, haec subjecit verba: „Sia obbligato a risedere in detta mia casa lasciata per detto effetto“ — deindeque haec etiam addidit: „Soggiunge, che la casa, dove al presente, habita detto Don Bernardino, non si abbia a vendere, ne permutare per qualsivoglia causa, ma quella resti in beneficio di detto Don Antonio capellano ed in futurum per gl'altri capellani pro tempore, come anche le botti di vino, arche di grano, ed altri tavolini, sedie, ed altro, che in detta casa, e che li capellani in futurum non le possino vendere, né impegnare, né permutare, ma restino sempre per li futuri capellani.“

Facta juxta normam a testatore praescriptam et ab ordinario approbatam fundatione capellaniae cum declaratione, quod a capellano celebrandae essent quatuor Missae unaquaque hebdomada, obtinuit praedictus Antonius Cerasolus eamdem capellaniam, cujus annui proventus constituunt summam ducatorum circiter quinque et sexaginta. Sed cum ipse nuper fuerit asseculus etiam beneficium parochiale in dioecesi Reatina, ii, ad quos pertinet jus patronatus capelliae, existimantes eam propter injunctam residentiam in domo fundatoris esse incompatibilem cum beneficio parochiali, vi cuius alibi residere oportet Cerasolum, nominarunt alterum capellananum.

Huic autem nominationi reclamavit Cerasolus putans sibi licere utroque beneficio simul potiri. Inquit enim incompatibilitatem adstrui quidem non posse ex onere Missarum, quae celebrari debent in parochiali Ecclesia Villae Termini, cum non fuerit jussus capellanus celebrare per se ipsum, adeoque huic oneri recte satisfacere possit per alium, ut fuse firmatum fuit a Rot. decis. 825. coram Merlin, quam plures amplexa fuit haec S. C., ac praesertim in Romana capellaniae 29. Aug. 1722, ut in lib. 72. decr. p. 415. Quamquam ex conjecturis suadentibus aliam fuisse mentem fundatoris, secundum ea, quae copiose tradit Fagnan. in cap. „ut Abbates“, a n. 60. ad 89. de aetat. et qualit. contrarium definierit eadem S. C. in civitatis Plebis 15. Decemb. 1708 et 29. Martii 1710, et in Romana capellaniae 13. Martii 1709, et in Bononien. capellaniae 1. Junii ejusdem anni.

Itaque ubi capelliae non inhaeat conditio celebrandi Missas in alia Ecclesia per se ipsum, incompatibilem eam non esse cum beneficio parochiali respondit haec S. C. in Novarien.

12. Dec. 1705 lib. 55. decret. p. 437, et in civitatis Castelli legatorum piorum 19. Maii 1708 lib. 58. decret. p. 177. Ex diverso autem non posse Ecclesiam parochiale simili cum capellania exigente celebrationem Missarum per se ipsum in diversa Ecclesia, rescriptum est in Neapolitana capelliarum 14. Apr. 1725 ad I. dub. lib. 75. decret. p. 171, et in Romana 17. Jan. 1728 lib. 78. decret. p. 1.

Quantum vero attinet ad alteram conditionem a fundatore adjectam de residendo in ejus domo, quam dixit in hunc finem ab eo relictam fuisse, contendit Cerasolus non inde effici capellaniam residentialis ideoque incompatibilem cum Ecclesia parochiali, nam Ecclesia, in qua fundata fuit capellania, non est collegiata nec iunctum fuit capellano ministerium ullum vel in ea Ecclesia vel in tali villa obeundum; ac propterea putat fundatorem eo solum fuisse animo, ut commodum hoc tribueret capellano in ea villa habitare volenti. Est enim certum, non fuisse a testatore impositam capellano legem, ut auxiliarem operam praestaret parochio nec ut in divinis Officiis inserviret Ecclesiae; quo quidem casu valde dubitari posset indictam esse etiam residendi legem, juxta terminos quaestionis, quam tractant Fagnan. in dict. cap. „Ut Abbates“ a n. 89. ad fin. de aetat. et qualit., Amostaz. de caus. piis lib. 3. cap. 11. n. 41., Piton. de controv. patron. tom. 1. alleg. 27. et seq., Rot. decis. 399. et seq. coram Merlin.

Ad rem quoque facit resolutio, quam in quadam causa Casalen. olim prodisse ab hac S. C. refert Garz. de benef. part. 7. cap. 1. n. 87., inquiens, declaratum fuisse non requiri personalem residentiam in capellania, cuius in fundatione cavebatur, „ut domus capellano aedificaretur, in qua habaret et divinis serviret et nisi habi-

taret et serviret, posset amoveri et de alio provideri.“

Non absimilis quaestio discussa fuit in Asten. capellaniae, in qua, licet testator, qui capellaniam fundari jusserset, nullam residentiae legem adjecisset, haeres tamen in ipsa fundatione his verbis caverat: „*Nominatus ad beneficium teneatur habere domicilium in oppido Villae novae et celebrare personaliter Missas sex qualibet hebdomada in capella B. M. V. gratiarum.*“ — Proposito autem dubio ita concepto: „*An capellanus teneatur ad onus personalis residentiae et celebrazione per se ipsum?*“ die 14. Febr. 1699 rescriptum fuit: Negative, ut in lib. 49. decret. p. 57. Sed non satis constat, cum S. C. ad ita definitum adducta fuerit, ex quo forsitan censuerit rationem non esse habendam oneris ab executore fundationis adjecti, quod testator minime praescriperat.

Pertinet etiam ad hujusmodi controversiam decisio sacrae Rota edita in Gerunden. eleemosynae panis super residentia 3. Julii 1711 coram Card. Priolo. Quamvis enim fundator constituisse capellani debere divinis Officiis in choro deservire et Missae sacrificium facere in certo altari nec non inhabitare domum assignatam ad stipem pauperibus largiendam, nihilominus determinatum fuit: non requiri personalem residentiam.

Caeterum circa articulum incompatibilitatis, de qua potissimum agitur in casu proposito; illud etiam est animadvertisendum, quod ad inducendam incompatibilitatem non videtur satis esse conditio residentiae causativa, videlicet necessariae ad percipiendum emolumentum destinatum beneficiario residenti, sed annexam esse oportere residentiam „praecisam“, qua non servata fiat locus amissionis tituli ac privationi, ut explicitant Hojed. de

incompatibilis benefic. part. 1. cap. 17. n. 34., Gonzal. ad Regul. 8. Cancellar. Gloss. 15. n. 20 et seqq., Panimoll. decis. 31. annot. 1. n. 4. et seqq. Itaque in Ferrarien. capellaniae disceptato hoc dubio: „*An capellania, de qua agitur, sit praecise residentialis, ita ut sit incompatibilis cum alio beneficio residentiali seu parochia?*“ S. C. die 3. Martii 1703 respondit: Negative, ut in lib. 53. decret. p. 73. Similisque declaratio prodit in alia Ferrarien. capellaniae 26. Martii 1707, ubi agebatur de capellania annexum habente onus assistendi singulis horis canonice aliisque divinis Officiis in Ecclesia Cathedrali; proposito dubio: „*An capellania, de qua agitur, sit residentialis praecise vel causative, ita ut capellanus non residens sit illa privandus vel potius distributionibus?*“ Rescriptum fuit: esse residentialis causative tantum —, ut in lib. 57. decret. p. 98.

Dicendum igitur erit:

1. *An beneficium seu capellania, de qua agitur, habeat onus residentialiae et quomodo?*

2. *An praedictum beneficium sit incompatibile cum parochiali in casu?*

S. C. C. resp. ad 1.: Capellaniū teneri residere ad formam testamenti; ad 2.: Provisum in primo.
Die 2. et 16. Maii 1733.

Auximana.

Testamento, quod condidit anno 1591, Angelus Bianchi fundari jussit capellaniā de jurepatronatus laicali ad altare s. Luciae in Ecclesia parochiali Terrae Appignani, cuius redditus nunc ascendunt ad annua scuta 40 circiter; vultique, ut ad illam praesentaretur coram ordinario instituendus „unus Clericus laudabilis vitae, bonorum morum et idoneae literaturae ac bonae conditionis et famae, qui habeat et

teneatur dictum altare officiare, regere et Divina celebrare temporibus et horis debitibus, dicendo quatuor Missas in quilibet hebdomada in eo, videlicet diebus dominicis, die Lunae, Mercurii et Veneris et ulterius in diebus festivis solemnibus, effundendo preces pro Animabus ipsorum.“

Et praeter onera praedicta capellano injuncta praecepit insuper testator, „quod hujusmodi Rector teneatur et obligatus sit residentiam et moram trahere in Terra Appignani suam domum praedictam habitando.“

Demandatum autem residentiam nequam fecisse constat primum capellaniū Alphonsum Bianchi de Terra Monticuli Camerinensis dioecesis, qui in aetate tredecim annorum fuerat ab ipso testatore nominatus, quique anno 1606 electus fuit Vicarius generalis Recineti idemque munus postea obiit in variis dioecesis ac tandem anno 1631 Domum Congregationis Ororii fundavit in eadem Terra Monticuli Patria sua, ubi diem clausit extreum anno 1645: oneribus capellaniae interim adimperitis per substitutum.

Et illius successor Bernard. Bianchi, qui eodem anno 1645, vix adepta capellaniae possessione, substitutum pariter deputavit, duo proposuit dubia in hac S. C., scilicet:

I. *An hujusmodi beneficium sit sacerdotale, ita ut de illo provisus teneatur per se ipsum Missas celebrare et per substitutum non possit impleri?*

II. *An personaliter residere teneatur, ita ut Emus Episcopus permittere non debeat, ut per alium onera impleri possint?*

Quibus die 13. Nov. 1649 responsum est ad I.: Beneficium, de quo agitur, non esse sacerdotale et posse per substitutum onera impleri;